

Pelajar universiti perlu segera sesuaikan diri dengan perubahan global pantas – PM

SHAH ALAM: Pelajar institusi pengajian tinggi perlu segera menyesuaikan diri dengan perubahan agar tidak ketinggalan arus pembangunan global yang pantas, demi memastikan kemajuan holistik untuk diri sendiri dan juga negara.

Perdana Menteri Datuk Seri Anwar Ibrahim berkata aspek kualiti adalah amat penting ketika dunia bergerak ke arah pendigitalan, pelaksanaan Kepintaran Buatan (AI), dan peralihan tenaga, yang kesemuanya sedang dibincangkan secara meluas dalam era ini.

Beliau turut menggesa pelajar supaya tidak melihat pemerolehan ilmu sebagai satu cara untuk mencapai kegemilangan kewangan, sebaliknya lebih memberikan tumpuan terhadap usaha untuk menyumbang kepada negara, selaras dengan konsep Madani.

“Pemerolehan ilmu adalah untuk menyebarkan apa yang adil dan benar, itulah cabarannya – Dalam kerangka Madani kita bercakap tentang nilai, etika, maruah manusia, peranan kita untuk memastikan kita mempunyai masyarakat yang adil dan

saksama dan itulah peranan beliau,” katanya.

Beliau berkata demikian ketika berucap pada sesi dialog Temu Anwar Institut Pengajian Tinggi Swasta (IPTS) di Management and Science University (MSU) di sini, Isnin.

Turut hadir Timbalan Menteri Pengajian Tinggi Datuk Mustapha Sakmud dan Presiden MSU Prof Tan Sri Mohd Shukri Ab Yajid.

Anwar dalam ucapannya turut menasihatkan golongan muda supaya tidak terlepas pandang terhadap nilai asas ilmu,

kerana dunia sebenarnya mencapai ke-modenan pada tahap berbeza.

“Terdapat defisit sekarang, apabila bercakap tentang apa yang berlaku dengan dunia, kita memanggilnya tempoh Post-normal - iaitu sebuah dunia yang huru-hara, percanggahan kebenaran dan keadilan telah menjadi relatif, anda boleh berada dalam satu komuniti dan menyokong orang lain, atau anda boleh menyokong beberapa penyangak dan dik-tator, dan mempertahankannya, merasion-alkan tindakan anda.

“Itulah sebab mengapa kita kembali kepada yang asas, isu asas mengapa anda berada di sini, pemerolehan dan asimilasi ilmu, tetapi ingat, yang anda bukan kera-mat, anda adalah manusia biasa yang mempunyai nilai dan etika,” katanya.

Anwar ketika berdialog dalam program berkenaan turut menegaskan kepentingan AI, dengan menyifatkan teknologi berkenaan sebagai keperluan yang semakin mendesak mengambil kira negara yang kekurangan tenaga pakar dalam bidang berkenaan. – Bernama